

**Arkiv:** <arkivID><jplID> FE-033, HistSak-14/3748  
**JournalpostID:**  
**Sakshandsamar:**  
**Dato:** 07.06.2021

Saksframlegg

Saksnr.	Utval	Møtedato
093/21	Alver kommunestyre	24.06.2021

## Spørsmål/interpellasjonar til kommunestyret 24.06.2021

### Alver kommunestyre 24.06.2021:

#### Handsaming:

##### 1. Hendrik Weber - R

#### UBÅTER MED ATOMVÅPEN PÅ HÅKONSVERN UTFORDRER SIKKERHETEN TIL INNBYGERNE I ALVER KOMMUNE.

For å unngå at norsk territorium ble til en slagmark mellom atommaktene under den kalde krigen, ble Bratelli-doktrinen etablert i 1975. Doktrinen slår blant annet fast at:

*«Vår forutsetning ved anløp av fremmede krigsskip har vært og er at atomvåpen ikke medføres om bord. Norske myndigheter regner med at så vel allierte som andre atommakter respekterer denne forutsetning.»*

Gradvis og uten en bred offentlig debatt som et så alvorlig spørsmål krever, har Bratelli-doktrinen blitt uthullet. Atomfysikere i Norge mener at allierte ubåter som anløper Haakonvern, med stor sannsynlighet har atomvåpen om bord. Dermed øker risikoen for at Vestlandet blir et sentralt militært mål i en konflikt mellom dagens atommakter. Denne risikoen er ikke forenelig med Alver befolkningens interesser.

Alver kommunestyre

- 1) oppfordrer den norske regjeringen til å arbeide aktivt for militær avspenning i verden.
- 2) ser med bekymring at ubåter som anløper Håkonvern kan ha atomvåpen om bord, og krever at den norske regjeringen anvender Bratelli-doktrinen på det strengeste.
- 3) slutter seg til den Internasjonale kampanjen for avskaffelse av atomvåpen (ICAN) og ber ordføreren i Alver om å undertegne by- Kommune oppropet til ICAN på vegne av kommunen:

Forslag til vedtak:

Alver kommunestyre er dypt bekymret for den store trusselen atomvåpen medfører. Kommunestyret mener våre innbyggere og mennesker over hele verden har rett til å leve uten denne trusselen. All bruk av atomvåpen, uavhengig av om den villet eller ved en ulykke, vil ha katastrofale, omfattende og langvarige konsekvenser for mennesker og miljø. Derfor støtter Alver kommunestyre FNs traktat om forbud mot atomvåpen og ber regjeringen signere traktaten.

#### Svar frå ordførar:

Verknaden av atomvåpen går ut over store tal sivile liv og fører til øydeleggingar i fleire tiår framover i dei

berørte områda. Bruk av atomvåpen medfører katastrofale humanitære konsekvenser, og ordførar meiner at atomvåpen bør nedrustast og avviklast.

Ordførar støttar intensjonen i interpellasjonen. I denne interpellasjonen er kommunestyret invitert til å stille seg bak, og det er opp til kommunestyret å ta stilling til saka.

#### **Det vart votert over realitetshandsaming.**

For realitetshandsaming fekk 10 røyster og fall.

#### **2. Øyvind Bratshaug - H**

Fiberutbygginga som etter planen skulle vera installert oktober 2020, er enno ikkje på plass. Erfaringane med Nettstar er brotne løfter over lang tid, noko som får konsekvensar for innbyggjarane si tillit til leverandøren.

Kan kommunen gjere greie for kva som no er avtalt med Nettstar og når abonnentane kan forventa eit fibernett i drift? Korleis ligg dei an i høve å levere på krava i den tildelte kontrakten og korleis følgjer kommunen opp avvik frå denne?

#### **Svar frå ordførar ved kommunalsjef Hogne Haugsdal:**

Alver kommune signerte kontrakt med Nettstar i april 2020 om utbygging av Landsvik-Skjelanger. Skissert framdriftsplan for utbygginga var sett til litt over 13 mnd, som betyr at utbygginga skulle vere ferdig i mai 2021. Nettstar har meldt om at utbygging ville bli forsinka, primært som følge av at mange stolpar har vore roten og at dette måtte skiftast ut av stolpeeigar BKK. Dette arbeidet har tatt lengre tid enn venta, truleg på grunn av at BKK har prioritert anna arbeid. Fristen på oktober 2020 som det blir referert til, kjem truleg frå leverandøren sin kommunikasjon med kundar ved innsal. Slike fristar er ikkje kommunen involvert i, kommunen held seg til det som ligg i inngått avtale.

Om utbygginga ikkje er ferdig innan avtalt frist i kontrakten, kan kommunen iverksette sanksjonar med utgangspunkt i det som står i avtalen. Mellom anna kan det bli innført dagbøter 60 dagar etter avtalt frist. Utover dette regulerer avtalen prosessar knytt til misleghald og tvistar.

Kommunen har vore i kontakt med Nettstar og dei har følgjande tilbakemelding på prosess og framdrift på denne strekninga: Det er beklageleg at det er forseinking i prosjekta. Utskifting av 15 – 20 stolpar blei godkjend i august 2020, og dette arbeidet skulle ta 2 mnd. Dette har også blitt kommunisert til kundane. Stolpane blei først skifta i mai og juni i år, altså 9 mnd seinare enn det som var planlagt. Dette har medført at Nettstar sitt kundeløfte og forpliktingar i forhold til avtale med Alver, er blitt forseinka. Det er sendt sms til kundane ved fleire høve for å oppdatere situasjonen. Siste sms blei sendt i juni 2021, med informasjon om at målet er å kople opp dei fleste innan 9.7.21. Dei som ikkje blir kopla opp innan denne datoen vil bli kopla opp i august/september 21. Dette er kundar som ligg langt frå hovudtrasear og /eller der kunden sjølv skal grave grøft/bruke føringsveg for kobbarkabel.

#### **3. Leif Johnsen - MDG**

##### **Grunngitt spørsmål om manglande svar frå Alver kommune.**

Bakgrunn.

I vinter gjorde Mjåtveitelevens forening eit gledeleg og sensasjonelt funn av 120 levande elvemuslingar i Mjåtveitelva, første registrering av levande muslingar sidan 2009. Sidan då har Statsforvaltaren kalla stammen i Mjåtveitelva for "utdødd" og "ikkje levedyktig". Funnet av dei 120 levande muslingane hadde innslag av muslingar i ulike alder, noko som tyder på at stammen reproducerer seg.

Stammen har overlevd fleire alvorlege episodar av utslepp dei siste åra frå Mjåtveit Næringspark. Dette kan ein takke eit system av reinsedammar for, og at Meland kommune stoppa eit par ulovlege tiltak etter varsling frå Mjåtveitelevens forening. Brot på vedtekne vernevilkår har skjedd også i vår, ein gong stoppa av avdeling for Miljø og tilsyn i Alver kommune, dei seinaste varsla av Mjåtveitelevens forening 9. juni. Reinsedammane er gamle og underdimensjonerte, og evna deira til å fange opp forureining blir gradvis redusert, grunna skader og jamnt påfyll av slam gjennom mange år. Dei treng sterkt til tømning, vedlikehald og oppgradering i takt med den stadig aukande aktivitet i næringsparken og oppstart av ny, stor bustadutbygging kloss i Kloppedalsbekken. Denne bekken er ein særskilt viktig biotop for Mjåtveitelva, både for oppvekst av aure og muslinglarvar, og som ei høgrisiko forureiningskjelde til Mjåtveiteleva. Tilstanden i bekken er kritisk avgjerande for den raudlista muslingstammen.

To ubesvarte epostar til Alver kommune.

Mjåtveitelevens forening sendte i 24.03.2021 sin første epost for å få eit møte med kommunen om det vidare forvaltingsarbeidet med den nyoppdaga, raudlista muslingstammen, oppgradering av reinsedammane og korleis hindre ny forureining med aukande aktivitet i området. Dei rekna med god dialog og auka innsats etter det gledelege funnet av så mange levande muslingar.

Andre epost med same innhald blei sendt i 20.04.21, no også til Statsforvaltaren. Ingen av epostane har fått svar frå kommune eller statsforvaltar.

Tidleg i juni var underteikna i kontakt med dokumentssenterer i Alver og etterlyste desse epostane utan at ein fann fram til dei.

Ein tredje epost frå foreininga blei sendt 09.06.21. og etterlyste svar på dei to første og varsla ny forureining.

Spørsmål.

Kva er forklaringa på at epostane 24.03 og 20.04 frå Mjåtveitlvens forening ikkje har fått svar? Har ikkje Alver kommune rutinar som sikrar at innpost får svar innan fristane Forvaltingslova set?

**Svar frå ordførar ved rådmann Ørjan Raknes Forthun:**

Kva er forklaringa på at e-postane 24.03 og 20.04 frå Mjåtveitlvens forening ikkje har fått svar?

Forklaringa er kapasitetsutfordringar på grunn av ressursituasjonen som har vore på Miljø og tilsyn etter nyttår. Til orientering så er svarbrev laga og blir sendt ut frå avdeling for Miljø og tilsyn.

Har ikkje Alver kommune rutinar som sikrar at innpost får svar innan fristane Forvaltingslova set?

Alver kommune har rutinar på å svare tilbake innafor fristane, og skal følgje forvaltningslova i sakshandsaminga vår. Som følgje av stor saksmengd og kapasitetsutfordringar er det dessverre førespurnader som vert liggande lengre enn ønskja før vi får svart tilbake.

#### **4. Svinung Toft - V**

Grunngjeve spørsmål om kjøp av friområdet- friluftsområdet i Lonene

1. Kva har Alver kommune gjort for å følgja opp vedtaket i denne saka sidan sist den vart orientert om i kommunestyret?

2. Kor tid kan ein forventa at det vert lagt fram ei sak til kommunestyret om gjennomføring av offentleg kjøp eller overtaking av det regulerte friluftsområdet i Lonene?

**Svar frå ordførar ved kommunalsjef Hogne Haugsdal:**

1. **Kva har Alver kommune gjort for å følgja opp vedtaket i denne saka sidan sist den vart orientert om i kommunestyret?**

· Svar: Det var ein interpellasjon rundt denne saka i kommunestyret 17. desember 2020. I etterkant av denne saka er det jobba vidare med å vurdere grunnlaget for å kunne søke Miljødirektoratet om statleg sikring. Det som er avgjerande for å kunne søkje om statleg sikring, er å ha ein avtale med grunneigarar. Dette gjeld både med og utan tilskot frå Miljødirektoratet. Frist for å søkje om tilskot frå Miljødirektoratet er sett til 15. januar kvart år, Miljødirektoratet legg til grunn at eigedomar blir kjøpt for landbrukstakst. Alver kommune har vore i dialog med grunneigar Rygir v/deira advokat. Etter ønskje frå grunneigar tek kommunen opp igjen forhandlingane om grunnervet etter at utbyggar Bonava (Bonava har opsjonsavtale med Rygir om utbygging av Lonena) har hatt oppstartsmøte med planavdelinga i kommunen om detaljregulering av Lonena. Oppstartsmøte vert 25. juni. Kommunen har foreløpig ikkje hatt dialog med Isdal felles, den andre grunneigaren i Lonena.

1. **Kor tid kan ein forventa at det vert lagt fram ei sak til kommunestyret om gjennomføring av offentleg kjøp eller overtaking av det regulerte friluftsområdet i Lonene?**

· Svar: Det er to måtar kommunen kan sikre seg friområdet i Lonena. Det er frivillig avtale med grunneigarar eller ekspropriasjon. Viss ein går for frivillig avtale må ein ta omsyn til korleis grunneigarar ønskjer prosessen. Om kommunen vil gå for ekspropriasjon, må ein ta ei politisk avgjerd om det. Rådmannen jobbar vidare med mål om å få på plass frivillige avtalar, men det er uklart når dette er på plass. Det vil kome an på forhandlingane med grunneigarane.

**KO- 093/21 Vedtak:**

**Bakgrunn**

**Saksopplysninger:**

«Skriv her»

**Vedlegg i saken:**

07.06.2021	Interpellasjon KO 24.06.2021	1569312
15.06.2021	Spørsmål frå Alver Høgre	1574149
22.06.2021	Spm.kommunestyret 24.06.2021	1578437
23.06.2021	Grunngitt spm om manglande svar på innpost	1579326